

四庫全書

集部

欽定四庫全書

集部

相山集卷十六至

詳校官左中允_臣瑋五珠

主事_臣呂雲棟覆勘

謄錄監生_臣陳遂

欽定四庫全書

相山集卷十六

宋 王之道 撰

詩餘

宴桃源

為江道中二首

黃落聲遲風歇
龕火夜寒明滅
殘月却多情來照先生
歸轍清絕清絕
透隙風霜如雪

遙指湯泉西路
隱約碧雲天暮
宿鳥擇深枝兩兩相呼
如語凝佇凝佇
今夜夢魂何處

宴桃源

和張文伯雪詞

飛雪乍稀還驟高閣下臨羣岫獨立遂移時歸去黃昏
前後知否知否落筆騷人賦就

風急柳花飛驟白盡千林萬岫樵擔晚來歸正在栖鴉
啼後知否知否語到謝娘詩就

宴桃源

和張文伯海棠

水外浸山桃李那得箇中風味一種最憐渠酒着佳人
半醉還似還似驚起午窻春睡

如夢令

和張文伯芍藥

綽約一枝紅。怨疎雨、淡煙池館。梅子欲黃時，日倚朱闌幾遍。爭看爭看，人在沉香亭畔。

如夢令

江上對雨

一晌凝情無語。手撚梅花何處。倚竹不勝愁。暗想江頭歸路。東去東去。短艇淡煙疎雨。

如夢令

和張文伯木犀

葉底芳蕤如綴。坐對廣庭忘味。嬌騃最憐伊。亂糝舞餘

風袂貪喜貪喜不覺寶釵斜墜

長相思

美入

桃花春杏花春桃杏妖嬈如箇人
歌聲清過雲 酒醺醺燭熒熒
眼尾微紅無限情相逢堪斷魂

長相思

別恨

雨濛濛日曨曨洗出遠山三四重
分明眉黛濃 野橋西官路東
小驛夜涼風入松夢魂誰與同

花一枝酒一卮舉酒對花君莫辭
人生多別離 行相

隨坐相隨更有何人得似伊
春融蝴蝶飛

天四垂山四圍山色天容入坐帷
清風吹我衣
湖水

東江水西東去西來無盡期
不如君共伊

吳江楓吳江風索索秋聲飛
亂紅曉來歸意濃
淮山

西淮山東明月今宵何處同
相尋魂夢中

風淒淒雨霏霏風雨夜寒人別離
夢回還自疑
蛩聲

悲漏聲遲一點青燈明更微
照人雙淚垂

點絳脣

和朱希真

短棹西來追隨不及桃花宴薰風庭院明月裁紈扇
睡起嬌慵相見雲鬢亂雙魚遠欲憑春喚一見韋娘面

點絳脣

和張文伯

竹外梅花檀心玉頰春初透一池風皺妙語天生就
有箇人人媚娜靈和柳君知否目成心授何日同攜手

點絳脣

和張文伯
除夜雪詞

透幕穿簾迴風舞態真輕妙不煩相惱江上春來了

一闋清歌唱徹瓊樓曉春工巧柳顰梅笑點綴芳菲早

點絳脣

冬日
江上

古屋垂楊淡煙踈雨江南岸幾家村
疇酒旆還相喚

短棹扁舟風橫河頻轉柔腸斷亂鴉晚
噪天共蒹葭遠

點絳脣

社日
雨

春意催花片雲又作朝來雨淡勻深
注紅紫知無數

社日人家準擬行春去癡兒女倚門
凝竚借問東郊路

浣溪沙

和張文
伯長五

寒透珠簾怯曉霜
灰飛緹室驗回陽
坐看紅日上脩廊

泉瀉龍頭深泛酒煙凝象口暖吹香及時歌舞意何

長

浣溪沙

日春

水外山光淡欲無堤邊草色翠如鋪綠楊風軟鳥相呼
牛蒨葉齊羅翠扇鹿梨花小隘真珠一聲何處叫提

壺

浣溪沙

妓贈

玉骨冰肌軟更香一枝丹棘映青裳相逢歸去未須忙

曲裏春山情不淺樽前秋水意何長醺醺顏色粉生光

浣溪沙

和張文伯海棠

過雨花容雜笑啼淡粧深注半開時嬌嬈情態自天姿
新浴太真增艷麗微風飛燕鬪清奇綠窻朱戶雅相
宜

浣溪沙

和張文伯木犀

曉日暉暉玉露光枝頭一樣鬪宮粧可憐嬌額半塗黃

衣與醅醕新借色
肌同蓂蔔更薰香
風流荀令雅相當

浣溪沙

賦春雪詞追和東坡韻

陽氣初升土脉蘇
東郊人散欲迴車
一時春雪十年無
魚枕蕉深浮酒蟻
鹿胎冠小粲歌珠
題詩不覺燭燃鬚

體粟湏頻酒力蘇
流涎正值麴盈車
坐來獸炭撥還無
一闌可能酬一絕
雙銀端不換雙珠
松毛粉白老翁

鬚

春到衡門病滯蘇力強猶可駕柴車少年狂妄一時無
清坐不堪膚起粟高談還喜唾成珠紅裾癡笑雪如

鬚

凍卧衰安已復蘇閉門那患出無車似渠人物到今無
可笑崑山誇片玉須憐滄海歎遺珠時來應許將君

鬚

浣溪沙

阻風銅陵道和東坡游泗洲南山韻

殘雪籠晴作冱寒北風吹浪過前灘遠山雲氣尚漫漫
睡起陽烏窺破牖坐憐香霧藹雕盤一樽聊佐旅中
歡

採桑子

孫中益集於西齋題侍兒
作第一流因以詞謝之

奇花不比尋常艷獨步南州往事悠悠遼鶴重來憶舊
遊仙翁不改青青眼一醉遲留妙墨銀鈎題作人間
第一流

菩薩蠻

和趙見獨
佳人睡起

香鬟倭墮蘭膏膩睡起搔頭紅玉墜秋水不勝情盈盈
橫沁人朱欄頻徙倚笑與花爭媚眉黛索重添春醒
意未收

菩薩蠻

採蓮女

藕絲衫剪猩紅窄衫輕不礙瓊膚白縵鬢小橫波花樓
東是家上湖閒盪槳粉艷芙蓉榜湖水亦多情照粧
天底清

減字木蘭花

和孔純老送鄭深道移守嚴州

金尊頻倒照座梅花清更好春到長楊寵拜三公入鄭
莊月城兩載千里生靈蒙惠愛舞徹歌詞並立新粧
綠帶垂

減字木蘭花

贈諒興宗
詩四首

脩眉山遠嬌抹烏雲秋水畔酒裏花前坐擁斯人怎得
寒醪浮滿須索空缸仍覆殘正恐相妨歸去如聞
笑語香

江梅清遠瀟洒一枝蹲踞畔雪後風前照水窺簷巧耐

寒 多情美滿共飲自應渠
醺殘醉賞何妨傾國天教
抵死香

笑中聲遠走向曲房花樹畔
擁在樽前頓覺春溫却夜
寒 願酬心滿只得教伊頻
勸盞緩唱何妨貼體衫兒
撲鼻香

仙姿凝遠半出新粧瓊戶畔
緩步來前正值東風料峭
寒 釵頭花滿舞罷梅英飛入
盞一醺何妨花與佳人
巧鬪香

減字木蘭花

和張文伯對雪詞四首

詩成呵手欲寫已輸君賦就寒粟生膚一盞澆腸可得
無迴風弄巧比似婆婆尤敏妙似箇人人嗅認梅花
孰是真

尊前放手銅鉢聲窮詩已就姑射肌膚舞罷纏頭怎得
無青腰更巧担粉團酥來鬪妙不敢方人容色依稀
似太真

玉奴招手來看前山瓊琢就透骨侵膚似恁清寒更有

無春工縱巧只許梅花稱獨妙
花底逢人逐馬銀杯
誤認真

鼈頭龜手孤坐書生能意就
煖體溫膚繡被春寒想見
無雪詞工巧高壓君房天下妙
白髮欺人甚矣吾衰
懶是真

減字木蘭花

和孔純老別

離筵暫住君在龍舒曾是主
今作行人卧轍何妨借寇
恂清歌妙舞斷送吟鞭乘醉去
一醕休辭捧爵佳人

玉筋垂

減字木蘭花

立春

綵幡金勝一笑酬春聊適性
駢女癡兒半挽梅花半柳枝
追歡何計幸對綠尊環皂髻
欲舞還羞美盼嬌迴碧水秋

減字木蘭花

和董令升正月五日會客

蛾眉螭首舞雪嬌迴開凍候
盡道今年千里風光萃綺筵
坐來新月照我蒼顏并白髮
酒到休辭自有黃芽

介壽祺

卜算子

和興國守用少
隱錢別萬山堂

拄頰看西湖屢對綸巾岸江上相從醉萬山六見年華
換君唱我當酬我醉君休管明日醒時小艇東莫負
傳書雁

堂下水浮天人指山為岸水落寒沙只見山暗被天偷
換堂上老詩翁客至勞相管風喘溪頭客自東日送
雲中雁

今日富川濱後夜湓江岸千里西湖指顧間未怕新年
換再見復何時此意憑吟管應有新詩當尺書日望
南來雁

醜奴兒

對雪和彥
達弟詞

青腰似說天公富奔走風雲銀界無垠委巷窮山草木
春玉樓不怕歌茵濕語笑紛紛須放他門醉裏冰姿
光照人

謁金門

追和馮
延巳

春睡起金鴨煖銷沉水笑比梅花驚鑑裏嗅香還嚼藥
瓊戶倚來重倚又見夕陽墜門外馬嘶郎且至失驚
心暗喜

秦樓月

和張文伯雪詞

雲不捲澆愁莫放金杯淺金杯淺新詞麗句要人裁剪
酒酣思致天同遠臨風捉筆綸巾岸綸巾岸詩成歸
去寒光照晚

阮郎歸

和廣濟王宰二首

玉繩低轉斗闌干
欠溫春酒寒夜長
風勁怯衣單有人
哦二山
蟾欲滿雁初還
桃花微破顏
枕痕猶帶斷虹
殘無言心自閒

長楊風暖弄腰枝
日長蝴蝶飛雨餘
新綠細通池
玉鉤懸菱衣
鴻雁遠子規啼
此情誰得知
一尊聊與故人
持醉來悲別離

桃源憶故人

迨和東坡韻呈
曾仲子修三首

逢人借問春歸處
遙指蕪城煙樹收
盡柳梢殘雨月闌

西南戶 游絲不解留伊住
漫惹閒愁無數燕子為誰
來去似說江頭路

不知春色歸何處但見茂林芳樹
庭巷落花如雨鬪亂穿窻戶
晚行溪上東風住荷點青錢
無數蛺蝶飛來還去錯認花間路

南園最是花多處門掩綠楊千樹
別後幾番風雨碧蘚侵苔戶
儂家舊在郊西住門外遠山
無數誰道不如歸去咫尺長安路

朝中措

和張文伯清
明日開霽

朝陽淡淡宿雲輕
風入管絃聲
十里碧蕪幽步一枝丹
杏柔情
佳人何處酒紅沁
秋水盈盈
詩曲美君三
絕湖山增我雙明

朝中措

孔倅郡齋
新裁竹

愛君節直更心虛
移植並庭除
好在紅蕖相映捲簾如
見吳姝
清風明月君無我
棄我不君踈
況有騷人墨
客時來同醉兵厨

朝中措

和張文伯海棠

暖風遲日透香肌
春到柳邊枝
曾見酒紅潮頰
玉人初出羅幃
東坡何處
朱唇翠袖
空想芳姿
爭似濡湏
太守看花仍賦佳詞

朝中措

和張文伯遠亭

晴煙漠漠日暉暉
天際遠山低
檻外碧蕪千里
坐來目送鷗飛
詩牋談麈珠盤
落落落玉屑霏霏
更把登臨餘興
翻成白雪歌詞

朝中措

魏倅定甫生日

州閭庠序少追隨
俛仰鬢成絲
仕宦孰踰君
達恩袍遍
及庭芝
溪頭春日歡聲和氣如見生時好對高堂壽
母獻酬同醉金卮

朝中措

王守正仲生日

滿庭巖桂藹香風
人在畫堂中
欲驗魯侯難
老歡聲千
里攸同
臺分金石源鍾淮水流慶無窮好繼漢朝循
吏從茲入拜三公

朝中措

和張文伯
寒食日雨

從來寒食半陰晴
花底聽歌聲
昨夜滿城風雨
惜花還繫心情
海棠枝上
朱唇翠袖欲鬪輕
盈
湏藉嫣然一笑
醉吟同過清明

朝中措

和張文
伯元夕

江城春霽雪初融
樓觀瑞煙中
向晚金蓮無數
一時開遍東風
多情太守行携紅袖
坐引金鍾
時出陽春絕唱
才名不減詩翁

朝中措

董令升待制生日

天庭丹熟在何時鉛汞適投機四海方思霖雨未容駕
鶴先飛當年今日謫仙初降庭露緋緋願對良辰好
景稱觴為醉芳菲

西江月

和張文伯職日席上

北陸藏冰欲竟東風解凍非遙一時芳意巧相撩入眼
綠嬌紅小柳色輕搖弱線梅英紛綴枯梢觥籌醉裏
賴君饒歸去斜陽尚早

西江月

別思

一霎輕雲過雨半篙新綠橫舟梅花池館暗香浮酒入
朱唇紅透有恨尤憐別恨多愁不慣春愁舞餘何惜
更遲留腸斷斷腸更後

一別清風北牖幾番明月西樓斷腸千里致書郵借問
近來安否歸路淮山雨過歸舟江水澄秋佳人應已
數程頭準擬到家時候

西江月

賞梅

雪後千林尚凍城邊一徑微通柳梢搖曳轉東風來看
梅花應夢 酒面初潮蟻綠歌唇半啟櫻紅冰肌綽約
月朦朧髣髴暗香浮動

西江月

張文伯謝曾
子修送酒

黃菊正懷彭澤白衣俄致江州登高餘醉快扶頭此貺
義兼情厚 痛飲還須酒對清吟况值詩流輕投無惜
萬金酬木李舊先瓊玖

西江月

試茶

磨急鋸霏瓊屑湯鳴車轉羊腸一杯聊解水仙漿七日
醒襟頓爽指點紅裙勸坐招呼巖桂分香看花不覺
酒浮觴醉倒寧辭鼠量

西江月

春歸

春日荒荒別浦春潮滯滯長堤綠楊風喘客帆遲腸斷
江南雙鯉短夢當年楚雨扁舟後夜秦溪一聲啼鳥
怨春歸人在酴醾花底

--	--	--	--	--	--	--	--

欽定四庫全書

相山集卷十七

宋 王之道 撰

詩餘

折丹桂

送蘧著蓮三
子赴省試

照人何處雙瞳碧
欲去江城北
過江風順莫遲留
快雁序飛聯翼
西湖花柳傳消息
知是東君客家書
須辦寫泥金報科名
題淡墨

用前韻送彥開弟省試

風漪欲皺春江碧予寄江城北子今東去赴春官挽不
住搏風翼脩程應過天池息何處堪留客預知仙籍
桂香浮語祝史休占墨

又用前韻送趙彥翔省試

雪晴山色分遙碧輝映江南北君今東去步蟾宮看少
展垂天翼晚來江上西風息不是新豐客明年三月
見君時慶章綬紵銅墨

南歌子

端午

角簾橫龜枕蘭房掛艾人一尊菖歎泛清醇好在佳人
如玉映長春冰徹杯盤瑩香和笑語薰蓮花衫子入
時新掛起南窻一榻晚風清

玉笋浮菖虎金盤饋線魚研丹聊作厭兵符何必城頭
一女當千夫雨過山如洗風來草自梳佳人不慣手
談輸却道如今重睹選官圖

南歌子

趙叔全
生日

扇裏薰風細壺中化日長梅花高下照紅粧花外飛雲

芬馥水沉香 新竹輕儲粉流鶯巧弄簧不知何處是
華陽應有千年白李薦霞觴

南歌子

和陳勉仲

老懶詩才退春融醉眼昏青山終日對柴門柳外斷橋
流水幾家村 桃李添新意池塘失舊痕一尊聊復為
君溫傾倒來年酬唱細重論

南歌子

戊午重九

朱實盈盈露黃華細細風龍山勝集古今同斷送一年

秋色酒盃中 鴨脚供柔白 雞頭薦嫩紅 量吞雲夢正
能容試問具區何處浙江東

南歌子

書所見

露竹舒新綠 風荷遞暗香 誰家池館睡鴛鴦 還有玉人
相對坐傳觴 角簾清冰滑 紗厨薄霧涼 晚來行雨過
巫陽彊整羅衣臨鏡學宮粧

南歌子

安豐守章
序補生日

玉露澄天宇 金風淨月華 滿庭秋色木犀花 記得謫仙

初下五雲車 才業追前輩人門屬當家壽觴無惜醉
流霞聞說姓名潛護有籠紗

浪淘沙

和魯如晦

高髻墮香鬟送恨眉山老年花似夢中看厭浥一枝薄
曉露珠淚闌干 卮酒發酡顏休更留殘滿城風雨麥
秋寒餘馥尚能銷酒惡誰敢包彈

好事近

彥達弟生日詞

秋色到東籬金散菊團香馥預借浮觴高會為作長年祝

蟹螯如臂酒如澠橙橘半黃綠唱我新詞一酌聽樽
前絲竹

好事近

何希淵
生日

春色到梅梢人在東風清噓曾見少微初降藹龍泉佳
氣功名富貴屬多才如子世無幾造物恰同予意放
驂騑千里

好事近

程繼誠
生日

霞影入瑤觴酒與餘霞同色人共昌期方永過觥籌三

百一枝紅皺石榴裙
簾捲篆煙碧約我他年湖上看
九華終日

好事近

王照美
生日

花影到酴醾風過玉卮搖
碧坐上酒豪詩敵盡騎鯨仙
客主人名姓在金甌
歸去定前席要見碧桃千歲看
壺中春日

好事近

董令升
生日

春色到酴醾人在酴醾花底
花撲金疊香透遠勝燒沉

水一杯聊復對東風為祝千千歲作楫和羹事了歸
去騎箕尾

南鄉子

迤和東坡重九

風急斷虹收孤鶩搖搖下荻洲醉帽儘從吹落去颼颼
幸有黃花插滿頭君唱我當酬千里湖山照眼秋不
見故人思故國休休一闋清歌聽解愁

南鄉子

贈何彥道侍兒

翠袖熨沉香黛拂修蛾淡淡粧銷得多情鍾傅粉何郎

風動珠簾月半床
素手捧瑤觴
誰念蘇州已斷腸
夜雨不隨歌扇歇
浪浪歸去無心賦海棠

南鄉子

陳南仲
生日

遺愛滿南州
千騎曾為萬里游
琳館歸來無責更無憂
坐聽清歌醉玉舟
香霧鬱金虬
春入梅花助獻酬
請

祝遐年長笑挹浮丘
何止莘君一百籌

有人莘莘彭年
遺公九十六籌

之故及

南鄉子

寄和潘教授
元賓喜晴

天際彩虹垂風起凝雲快一吹原隰杳杳春水更瀾瀾
布穀因從野鳥知初霽捲簾時巷陌泥融燕子飛午
醉醒來紅日欲平西一椀新茶乳面肥

南鄉子

春霽柳花垂嬌軟輕狂不待吹圓欲成毬還復碎誰為
習習和風即舊知深院日長時亂撲珠簾入坐飛試
問荻芽生也未偏宜出網河鮪美更肥

南鄉子

和張元助通
判詠雪詞

出戶繡簾垂拂面從他細細吹乘興有誰招訪戴難為
煖帳薰爐醉不知閒看逐風時欲著梅花又却飛雅
興佳人回舞袂相宜試比冰肌可煞肥

玉樓春

和李
宜仲

少年心性銷磨盡三斗爛腸渾是悶看書聊復強尋行
屬句不妨閒趁韻此生自斷天休問富貴時來還有
分一卮芳酒送清歌樓下玉人相去近

玉樓春

和董令升正
月五日會客

年來六十增三歲却憶去年趨盛會風流人物勝斜川
灼灼有同前日事不知絃管催新水但見飄飄紫舞
袂主人情厚酒行頻酩酊莫辭今夕醉

鵲橋仙

七夕

斷虹霽雨餘霞送日簾捲西樓月上銀河風靜夜無波
天亦為雲輶相訪蛛絲有恨鵲橋何處回首又成惆
悵長江衮衮向東流寫不盡別離情狀

小重山

占德秀
生日

要識長生輩赤松朱顏和綠髮正丰茸當年今日墮仙
宮佳氣鬱香藹菊花風一飲判千鍾小槽新釀美玉
泉釀酒酣詩思浩無窮雲煙爛題破錦牋紅

小重山

彥達弟
生日

花艷嫣然照坐紅池光高下見木芙蓉相從款款莫忽
忽新釀熟浮甕碧香濃倚檻送飛鴻登高時節近菊
披風笑談今喜一杯同採金藥和露入杯中

蝶戀花

和張文伯
上巳雨

簷溜潺潺朝復暮燕子銜泥穿幕來還去素錦青袍知
有處花光草色迷汀渚春不負人人自負君看流觴

只凭良辰度厭浥小桃如泣訴東風莫漫飄紅雨

城上青旗催日暮柳絮沾泥花藥隨流去記得前時行
樂處小橋新綠初平渚玉子文楸誰勝負不道光陰
暗向閒中度天若有情容我訴春來底事多陰雨

蝶戀花

和王冲之木犀

庭院雨餘秋意晚一陣風來到處清香遍把酒對花情

不淺花前敢避金杯滿
蓓蕾醺釀雖慣見常恨攬先
不是君徒伴莫把龍涎輕鬪遠流芳肯逐爐煙斷

蝶戀花

和張文伯
魏園行春

春入花梢紅欲半水外綠楊掩映笙歌院霽日遲遲風
扇暖天光上下青浮岸
歸去畫樓煙暝晚自拾梅英
點綴宮粧面美目碧長眉翠淺銷魂正值迴頭看

蝶戀花

和張文
伯海棠

碧霧暗銷香篆半花影穿簾厭浥蒼苔院
鷓鴣一雙塘

水暖浮沉時近垂楊岸
雨過不知春事晚但怪朱唇
得酒紅潮面野藪山散三四盞移尊更向花前看

蝶戀花

追和東坡時
留滯富池

寒雨霏霏江上路不見書郵病目空凝注沙甯盡頭飛
白鷺驚篙師指似人來處自笑自憐還自語鈍滯如君
只合歸田去竹屋數間環畝箇中自有無窮趣

臨江仙

和陳
德公

紅樓縹緲光風裏熙熙和氣歡聲遏雲餘韻最關情春

山閒淡淡秋水正盈盈
老去自憐心尚在相逢殊慰
勞生紋楸聊復戲同枰試煩歌一曲須借酒三行

臨江仙

和劉南伯

怪得舉頭聞鵲喜果然都騎相過柳陰乘月倒金荷踈
星明炯炯銀漢靜無波
總角追隨今老矣相逢無惜
婆婆夜闌餘興到狂歌長鯨方正渴應不厭傾河

臨江仙

追和東坡送李公恕入浙

鼓棹正逢江雪霽是行應快吳吟透雲寒日半晴陰煙

風凝翠重霜樹澣紅深
案上文書閒展讀聖賢蹤跡
重尋不堪華髮故駸駸雙旌還有日萬事付無心

一剪梅

和董令升贈
魏定甫詩安

風揭珠簾夜氣清香撲樽壘初見雲英藍橋何處舊知名
今夕相逢此恨銷停
勸客嫣然一笑傾細意端詳
無限娉婷曲終猶帶遶梁聲
不辭沉醉為覆金觥

漁家傲

和余子美
對雪詞

風揭珠簾寒乍透青娥不住添香獸火暖畫簷鳴綫溜

人醉後錦堂絲竹烘殘晝
勢合湖山增地厚孤高但
覺脩篁瘦回策如縈全在手
驕馬驟吾家金埒新編就

漁家傲

和董舍人
令升三首

繫國安危還故老鶴書赴壠行當到多謝不遺敦雅好
應信道年高德邵如公少尊酒論文聊一笑肯將苦
語誇危了落筆君房天下妙環窈窕清歌一闋漁家傲
海岱惟青遺一老禁垣清切親曾到獨直固勞非此好
誰信道才如權相從來少把酒自歌還自笑醉中萬

事都齊了絕唱清歌仍敏妙聲窈窕行雲初過漁家傲

禁垣清切並獨自權德輿事

爵齒俱尊惟此老詩詞筆力誰能到奇字古文仍篤好
須信道如公寧復憂才少剝費黃金因買笑窮通得
喪都忘了坐對瑤觴看舞妙携窈窕南窗聊繼淵明傲

漁家傲

和孔純老三首

巖電晶熒君未老看看門外風車到一點眉間黃色好
人盡道從今次第登三少左右青娥來巧笑朱唇塗

額新粧了斜揜梅花仍鬪妙歌窈窕醉來容我相嘲傲
歲月漂流人易老東郊又報春來到梅靨柳眉還鬪好
君信道衰顏得酒重年少對景邀賓同讌笑莫教虛
過芳菲了咳唾珠璣誇筆妙人窈窕新聲傾作漁家傲
燈火熙熙來穉老喜逢燈夕都齊到花市綺樓隨處好
人競道今年天氣常年少五馬行游還坐笑公堂繡
捲東風了簫鼓喧闐歌舞妙人窈窕也應引動南窓傲

感皇恩

彥達弟
生日

宿霧霽晨霜江山明秀照眼黃花亂晴晝當年今日正
是懸弧時候一杯聊獻祝同親舊莫問窮通休論貧
富且趁良辰醉醇酎揚珠擣玉況值西成多收飽餐歌
至治天垂祐

青玉案

有懷軒車
山舊隱

半年不踏軒車路彷彿過長橋去貼水行雲風送度兩
行高柳一坡脩竹是我嘗游處黃鸝休歎青春暮出
谷遷喬舊家句天意從人還許許凝寒和氣沈陰霽色

大旱霧霓雨

青玉案

對雪追和
謝幼槃

金尊照坐紅裙繞
恁一晌歌聲悄
亂撲珠簾風絮曉
香薰笑語酒烘顏色
莫逐年華老
詩濤入筆懸河倒
快
萬里雲天為君掃
檢點春容何處早
柳條青眼梅梢粉
面得恁於人好

青玉案

送無為守張
文伯還朝

逢人借問錢塘路
我亦欲西湖去
目送蘭橈知幾度
黿

峰浮玉鯨波飛雪正是潮來處
海棠花下春將暮緩
唱新詞味佳句見說東皇曾夢許
栢臺冠豸金鑿視草
更作商巖雨

欽定四庫全書

相山集卷十八

宋 王之道 撰

詩餘

江城子

和彥時兄

新篁初上籜龍披綠陰
綠陰稀綠陰稀
牆外石榴花放兩三
枝
裙摺絳紗還半皺
追往事惜佳期
流鶯嬌婉燕雙飛
雨晴時
雨晴時
盧橘攢金梅子更紅肥
濁酒一杯從
徑醉家縱遠夢中歸

江城子

追和東坡雪詞

寒光凌亂六花纖巧穿簾不鳴簷十里黃壚遙望辨青
帘玉樹參差何處覓吟雪曲撚霜髯坐來令我看無
厭擬名鹽試嘗甜飛入深潭應照老蛟潛三白預占來
歲稔良可喜更何嫌

千秋歲

追和秦少游

山前湖外初日浮雲退荷氣馥槐陰碎葵花紅障錦萱
草青垂帶誰得似黃鸝求友新成對憶昔東門會千

古同傾蓋人已遠歌如在銀鈎雖可漫琬琰終難改愁
浩蕩臨風令我思淮海

千秋歲

張文伯
生日

曉霜初肅秋色團芳菊榴轉紫橘猶綠昨朝吹帽會未
快登臨目須信道兵厨準擬三千斛采采香盈掬汎
汎紛浮玉紅袖捧清歌逐何妨傾坐客共獻長生祝歸
去好北門夜引金蓮燭

千秋歲

鄭帥清
卿生日

熙熙臺上秋色增清壯和氣溢祥煙颺淮山供雜俎湖
水浮新釀人共仰貔貅坐擁詩書將 簫鼓聲嘹亮珠
翠環相向迴妙舞遊妍唱競斟長命筇同試滄溟量鋒
車往東歸遂繼華原相

千秋歲

伯母劉氏生日

薰風散霧簾幕清無暑萱草涇荷花塢幽香浮几席秀
色侵庭廡微雨過綠楊枝上珠成縷 雙燕飛還語似
慶良辰遇醺美酒烹肥豕何妨歡且醉共作斑衣舞人

競報蟠桃已實君知否

千秋歲

彥時教授
兄生日

金風玉宇庭院新經雨香有露清無暑溪光搖几席嵐
翠橫樽俎烘笑語佳時聊復鄉人聚門外荷花浦秋
到花無數紅鱸鯉青浮醕何妨文字飲更得江山助從
此去蒲輪入佐中興主

水調歌頭

追和
東坡

湖上有佳色黃菊傲霜秋一尊相屬談詠彼此得無愁

何處鱸魚初薦錯，且金壘點膾。令我憶東州，雙鷺帶斜
日，飛下白蘋洲。晚風勁，吹殘酒，襲破裘。故人俱在江
左，底事獨淹留。歸去草堂侵夜，一點青熒火，得句可忘
憂。欲識無窮意，終日倚城樓。

水調歌頭

用王冲之韻
贈僧定淵

敗屋擁破衲，驚飈漫飈。不離當處人，見擁簪上藍游
彈指九州四海浪，說其來雲聚其去等風休。莫作袈裟
看，吾道貫聃丘。齊生死，同寵辱，泯春秋。高名厚利，眇若

天地一蜉蝣閒舉前人公案試問把鋤空手何似步騎
牛會得箇中語淨土在閻浮

水調歌頭

對月
詞

斜陽明薄暮急雨霽涼秋弱雲狼藉晚來風起席捲更
無留天外老蟾高掛皎皎寒光照水金壁共沉浮賓主
一時傑傾動庾公樓度銀漢溥玉露勢欲流不妨吟
賞坐擁紅袖舞還謳暗祝今宵素魄助我清才逸氣穩
步上瀛洲欲識瀛洲路雄據六鼇頭

水調歌頭

秦壽之
生日

暑雨濕脩竹涼吹入高簷鷺洲鍾阜如畫霽色為儂纖
檻外藕花無數裝點休祥嘉應不覺有秋炎謫仙墮人
世香霧鬱重簾富才藝強記覽三萬載須信公侯有
種道義自相漸此去腰金佩玉回視依蓮泛水歲月亦
何淹稱觴還戲綵無惜醉厭厭

水調歌頭

趙帥聖
用生日

顥氣遍寰宇風露逼衣裘中秋昨夜明月千里滿西樓

人道當年今日海上騎鯨仙客乘興下瀛洲雅志在扶
世來佐紫宸遊 廟堂上須早計要嘉謀牙床錦帳三
歲江北歎淹留好在蟹螯如臂判取兵厨百斛與客醉
瑤舟待得蟠桃熟相約訪浮丘

水調歌頭

張文伯
生日

瓊樹掛初日珠箔捲清霜夜來溪上微雨佳節過重陽
共慶當年此際曾見天麟協夢華閨掛蓬桑人作魯侯
祝俾爾壽而臧 保疲瘵旌德善致吉祥會看報政朝

夕芝檢趣微黃不藉靈丹九轉不用蟠桃三竊源遠自流長願借滄溟富斟酌薦瑤觴

滿江紅

和張守仲及送孔純老守歷陽

竹馬來迎留不住寸心如結歷湖湏塢相望近同吳越
關里風流今未減此行報政看期月已驗康沂富國千
古曾無別多謝潤霑枯轍令我神思清發聞新命歡
浹兩邦情愜明日西風帆捲席高檣到處旌麾列忽相
思我當往誰謂三整隔

滿庭芳

代人上高太尉時在太學

蔡水西來于門南峙天波擁入華楹芝蘭爭秀難弟遇
難兄欲說隨龍雨露慶千載河海初清良辰好榴花照
眼綠柳隱啼鶯君恩隆厚賜冰桃火棗來自蓬瀛正
值霧橫玉篆泉瀉金鯨四坐香和酒泛對妙舞絃索鏗
鉤椿難老年年今日論報祝長生

滿庭芳

雙蓮堂

翠蓋千重青錢萬疊雨餘綠漲銀塘藕花無數高下鬪

芬芳渾似華清賜浴溫泉滑洗出真香何妨更合歡連
理高壓萬芝祥 風流賢太守當年奏瑞盛事名堂好
是琉璃地上一片宮粧况有薰風解愠流霞泛絲竹成
行依蓮暇聯珠唱玉應不愧金相

滿庭芳

和元發弟
秋日對酒

露湛金莖風翔玉宇嫩涼初霽秋容山散野蔌聊快一
尊同正值大田多稼臨卽隘酒客憧憧追隨處杯盤狼
藉野草蔭長松 新詞何所似金聲應鐸玉氣騰虹時

來終宦達休怨蒼穹顧我蹉跎老矣珮素髮衰態龍鍾
心猶壯會看文度獨步大江東

滿庭芳

送秦
壽之

雪霽風溫霜銷日暖一時笑語烘春草堂何幸四座德
星鄰聊借紅粧侑爵蘭膏膩高髻盤雲清歌妙貫珠餘
韻猶振畫梁塵熙朝卿相種扁舟東去入侍嚴宸憶
當年擢桂連見三秦休說參軍俊逸應難過開府清新
從今去八州都督端不困無津

滿庭芳

伯父仲球生日

紫角初繁青裳正好充閭清露飄香懸弧何早烏轡上
扶桑試問椿齡幾許踰萬計纔滿三章佳辰樂林塘增
氣菡萏擁紅粧稱觴人共慶盤中白李來自華陽說
壺中日月特地舒長定見霜毫換綠天薦祉家慶延昌
情千萬辭慳思窘聊獻滿庭芳

滿庭芳

和富憲公權錢別

歌徹驪駒酒斟醺醖帆檣高映城樓繡衣携具開宴話

離愁兩岸橙黃橘綠一行雁幾點沙鷗情千萬相看無
語送我上孤舟悠悠冬向晚梅花潛暖隨處香浮奈
長亭飲散無計淹留歸路淮山百舍空夢想連歲清游
煩雙鯉頻將尺素來往寄江流

漢宮春

雪詞

歡動江城快風聲震地雲勢頽山半年不雨玉霙來溉
冬乾飄飄弱絮雜簷花飛上賓筵疎林表數行征雁翔
翔欲下清灣何處梅梢點白弄橫斜疎影竹外溪邊

天寒日暮含香脉脉無言朱唇玉頰映碧梧時鵲停鸞
最好是携壺挈榼相期同醉霜天

慶清朝

追和鄭毅夫
及第後作

曉日彤墀春風黃繖天顏咫尺清光恩袍初賜一時玉
質金相濟濟滿庭鴛鴦月卿映日尹星郎鳴鞘遠錦韉
歸路醉舞醒狂 追隨寶津瓊苑看穿花帽側拂柳鞭
長臨流夾徑參差綠蔭紅芳蕪罷西城向晚歌呼笑語
溢平康休相惱爭揭踈簾半出新粧

醉蓬萊

追和東坡重九呈彥時兄

對黃蘆卧雨蒼雁橫秋江天重九千載淵明信風流稱
首吟繞東籬白衣何處誰復當年守藍水清遊龍山勝
集恍然依舊 萸實嫩紅菊團餘馥付與佳人比妍爭
嗅一曲婆娑看舞腰縈柳舉世紛紛名利逐罕遇笑來
開口慰我寂寥酬君醪酎不容無酒

宴春臺

追和張子野韻
贈陳德甫侍妾

翠竹扶疎丹葵隱映綠窻朱戶縈迴簾捲蝦鬚清風時

自南來題興好客筵開儼新粧深出雲街歌珠纍貫一
時傾坐全勝腰雷 金猊裊碧玉兕浮紅令傳三杏情
寄雙梅樓頭漏促籠紗暗落花煤錦里遺音憶當年曾
賦春臺醉蓬萊歸歟無寐想餘韻徘徊

宴山亭

和張文
伯海棠

微雨斑斑暈濕海棠漸覺胭脂紅褪遲日短垣嬌怯和
風搖曳一成春困玉軟酴酥扶不起晚粧慵整愁恨對
佳時媚景可堪重省 曾約小桃新燕有蜂媒蝶使為

傳芳信西蜀杜郎東坡蘇老道也道應難盡一朵風流
雅稱上鳳翹雲鬢相映眉拂黛梅腮弄粉

勝勝慢

和劉春卿
有懷金溪

凌雲氣節貫日精忠艱難未許心灰芳酒一尊對君聊
為君開要識治安非晚樂得新賢賦臺萊愁似雪喜青
天萬里曉霽春回 須信赤繩繫足朱衣點頭終在休
歎淹徊梅實槐花看看便是相催座上觥籌交錯玉山
峙莫遣停盃濡湏好儻他時富貴猶冀重來

勝勝慢

和張文
伯木犀

菊團封綠蓮萼凋紅蕭然獨見芳姿短牆高榭踈筠怪
石偏宜香遍秋風到處微雨過清露零時花陰下稱牋
毫唱和杖屨追隨曷似江頭竹外凌霜犯雪歲晚爭
奇夕賞朝吟勸秋莫放離披細看石楠玉茗葉縱似風
韻輸伊最好處擁新粧臨鑑碧溪

勝勝慢

送彥逢弟赴官西興時
冬至日用劉春卿韻

魯雲書瑞周日迎長曉占綈室飛灰玉勒朝天千門禁

綸齊開簾捲扇分雉尾香風遠人到蓬萊霞觴滿萬年
獻祝宮殿昭回況有金甌名姓任名遠蕭散無自排
徊門外鋒車又連鳳詔相催酒到莫辭頻舉聽清歌一
闋傾盃功成日五湖煙月堪賦歸來

石州慢

和董令
升歲除

磔擲送寒燔烈興歲又頌堯歷青藹燒痕綠浮風破暖
回春色天地交泰時當傾否五鬼休相厄何妨笑倚東
風一飲杯三百長憶苻堅入寇功高晉室無如安石

義槩雄心輒莫等閒拋擲蓋壞聲名鼎彝勲業朋谿雖
好未放終閒逸喈喈黃鳥更看壺中春日

石州慢

和趙見獨書事
見獨善鼓琴

天迥樓高日長院靜琴聲幽咽昵昵恩情切切言語似
傷離別予期何處漫高山流水又逐新歌徹彷彿江上
移舟聽琵琶淒切休說春寒料峭夜來花柳弄風搖
雪大錯因誰算不翅六州鐵波下雙魚雲中乘雁嗣音
無計空歎初謀拙但願相逢同心再綰重結

念奴嬌

和張文伯
重陽前雨

黃花照眼對西風。庭檻為渠凝佇。準擬登高酬一醉，底事晚來微雨。蟋蟀聲中，芭蕉葉上，怎得爭如許。龍山何處，無言暗想煙樹。須知天意隨人，重陽晴未晚，不煩頻訴。幸有兵厨三萬斛，足助賞心歡趣。千里江山兩行，珠翠端為騷人付。層樓飛觀，應容老子追步。

念奴嬌

和魯如晦中秋

碧天無際乍雨清。煙靄風開，雲月人在南樓劇談勝詠。

擁碧油旌節銀闕騰輝冰輪駕彩顙氣資高潔大星不
見更容螢火明滅 須煩翠杓瓊杯華牋象管與我酬
清絕誰使琵琶聲到耳輕賦荻花楓葉露脚斜飛河陰低
轉香篆環三傑莫辭終夕舞腰重看迴雪

憶東坡

追和黃魯直

雪霽柳舒容日薄梅搖影新歲換符來天工初見頌桃
梗試問我酬君唱何如博塞歡娛百萬呼盧勝投珠報
玉須放騷人遣春興 詩成談笑寫出無窮景不妨時

作顛草馳騁張芝聖誰念杜陵野老心同流水必東與
世初無競公侯寧有種哉傾否由天命

虛堂響應聲皎月形和影春到也須還長紅多紫歸條
梗況有光風麗日能銷積雪繁霜青女休言勝扶搖借
便請看天池發鵬興人言強漢治道誇文景誰能堯
舜其君遠繼阿衡聖富貴吾所自有宰相時來則為自
不煩趨競欲尋文會詩盟得酒且相命

木蘭花慢

對春光淡沲晴煙冉冉日遲遲漸紅入桃蹊青迴柳陌
鶯刷金衣差池競求友去惱佳人幽恨上蛾眉應念年
時追逐粧餘為帶交枝芳菲誰共賞嬉遊何處馬如
飛不道新來牽腸惹肚暗減腰支須知乍寒乍暖褪朱
唇又過海棠時已約姚黃魏紫留花等待伊歸

鳳簫吟

和彥時
兄重九

雨溟濛年年今日農夫共卜新豐登高隨處好銀瓶突
兀南峙對三公真珠溥露菊更芙蓉照水勻紅但華髮

衰顏不堪頻鑑青鏡相逢 行藏休借問且徘徊目送

飛鴻十年湖海千里雲山幾番殘照淒風蟹螯麕似臂

金英碎琥珀香濃請細讀離騷為君一飲千鍾

銀瓶三公皆山

名

歸朝歡

對雪追和東坡詞

透隙敲窻風撼撼坐見廣庭霜縞白長安道上正騎驢

蔡州城裏誰堅壁表表風塵物瑤林瓊樹生豪客對揮

毫連珠唱玉競把詩牋擲 草草杯盤還促席痛飲狂

歌話冒臆前村昨夜放梅花東鄰休更誇容色清歡那
易得明朝烏轡陞南極帶隨車黃壚咫尺莫作山河隔

望海潮

重九和
秀時兄

寶山烟霽金湖波渺珠簾高捲清霜楓葉露痕荻花風
色人言今日重陽芳菊裊秋香更榴房鬪紫柑實傳黃
觀閣凌空杯盤照座獨醒狂良辰樂事難忘 正少年
遊冶人在任莊銅鉢探題金釵當酒一時綠鬢紅粧故
國黯淒涼漫情隨流水遠興與雲長要是致君堯舜千

古繼垂裳

風流子

和桐城
鮑率

扁舟南浦岸分携處鳴珮憶珊珊見十里長堤數聲啼
鴉至今清淚衿袖斑斑誰信道沈腰成瘦減潘鬢就衰
殘漫把酒臨風看花對月不言拄笏無緒憑欄相逢
還相感但凝情秋水送恨春山應念馬催行色泥濺征
衫況芳菲將過紅英婉婉追隨正樂黃鳥間關爭得此
心無着渾似雲閒

沁園春


和房時兄

城郭蕭條風雨霏微醞造客愁
況鷺羣鵲未諧薦禰
棘叢鸞鳳猶歎栖仇
世路如碁人情似紙厚薄高低何
日休逢殷浩會披雲對月同賦南樓
堪嗟日月如流
甚首夏竭來今半秋縱荻花楓葉強撩歸思有萼羹孤
飯歸更何憂三板松舟一篙溪水百里淮山無滯留何
須問蘧蘧栩栩孰是莊周

賀新郎

送鄭宗丞

又是春殘去倚東風寒雲淡日墮紅飄絮燕社鴻秋人不問儘管吳笙越鼓但短髮星星無數萬事惟消彭澤醉也何妨袖卷長沙舞身與世只如許 闌干拍手間情緒便明朝蒼煙白鷺北山南浦笑指干橋橋畔路簾幕深深院宇尚趁得柳烟花霧我亦故山猿鶴怨問何時歸棹雙溪渚歌一曲恨千縷



欽定四庫全書

集部

相山集卷二十九至
二十一

詳校官左中允_臣瑋五珠

主事_臣呂雲棟覆勘

謄錄貢生_臣苗序廉

欽定四庫全書

相山集卷十九

宋 王之道 撰

制

擬宏詞試觀文殿學士提舉醴泉觀兼侍讀特
授護國軍節度使開府儀同三司江淮荆襄路
安撫大使制

圖舊德以分顧憂爰及祠庭之遽總元戎而任經畧具
膺帥閫之崇肆舉徽章式昭異數近輟論思之益徃勞

鎮撫之良視儀三槐宣威四路誕揚出縛咸告在庭具
官其道大格天才周補袞作股肱耳目備見其有翼有
馮敷心腹腎腸灼知其惟和惟一頃解政機之劇暫從
真館之遊謂德行可用切磋故得通班於書殿謂言謀
宜資啓沃故令兼秩於經筵雖愜予心猶違衆望惟江
淮扼青徐之走集而荆襄制川陝之犇衝素號通津舊
為近甸欲藉折衝而却敵宜即連衡而合從是用大纛
高牙肅齋旄於蒲坂桓圭袞冕參禮節於鼎司冀効藩

宣規恢疆宇於戲李靖總軍西海有賴於文武之兼資
裴度護國北門無踰乎始終之全德勉祇厥命茂隆乃
勲可

擬宏詞試少保鎮南軍節度使充兩浙東路安
撫大使兼知紹興軍府事授少傅鎮南靜江軍
節度使充江南東路安撫大使兼知建康軍府
事兼管內營田大使兼行宮留守加食邑實封
制

分帥閫以蔽江莫易蕃宣之舊守留都而司鑰尤高撫
御之良眷我孤卿為時屏翰肆升華於亞傳爰徙鎮於
大邦載加節鉞之權用壯藩維之勢誕揚顯冊孚告治
朝具官某器遠而識明道隆而德博開物成務素高經
世之才尊主庇民果大格天之業久服勞於百揆逮均
逸於十連經營四方昭若召公之洪烈頤指諸將赫然
郭令之遺風惟建業之繁雄實臨流之都會股肱淮海
襟帶荆襄自觀省以南巡念嘗駐蹕寬憂勤之西顧宜

重陪京嘉予寅亮之英倬彼威懷之績是用進陞棘位
增益齋旌仍專洪井之征誅兼制桂林之師旅併領兵
屯之蓄申敦圭食之豐付爾保釐張吾經畧於戲信謹
有託茲蕭何專屬於關中文武足稱故寇恂可任於河
內往欽乃事無愧前人可

擬除趙參政制

國以任賢使能為盛尤急於中外艱難之時士以尊主
庇民為功當見於上下因循之日肆朕嗣服遭家靡寧

險阻八年若涉大水而罔知攸濟焦勞庶事如措積薪而姑以為安念得扶顛持危之材助成興衰撥亂之志我有耆德今告治朝俾參決於萬幾冀作孚於四海具官某聲猷卓犖器識沉深至大至剛浩然孟子之氣令儀令色翼乎山甫之心入踐樞庭出更帥閭蒸藿為之不採草木亦皆知名謂當補闕拾遺不可一日而去朝是用濟繁治劇期以貳公而宏化於戲惟爾進退繫於重輕爾其同德同心致于於治予亦作威作福與爾咸休往

告遠猷勉追前哲

擬宏詞試觀文殿學士江南西路安撫大使授
永興軍節度使開府儀同三司都督川陝荆襄
軍馬事制

門下數求賢哲協濟艱虞式是南邦既懋蕃宣之績寬
予西顧方圖保定之功爰因祕殿之華用拜齋壇之峻
權分帥閫像視鼎司徃無憚於一行佇有聞於數路誕
揚渙號孚告治朝具官某器識高明才猷俊偉時惟輕

重强者畏而忠者懷身任安危上不疑而朝不忌確乎
社稷之衛美矣邦家之光自解鈞衡遂臨藩屏一日不
見已勤當宁之思四國是皇良切折衝之望是用寵錫
六旌於殽函之輿壤榮參三事於袞繡之鉅公川陝以
東荆襄而北顧指諸將張皇六師俾大振於國威期永
清於寇畧於歲會同有繹朕當內修而外攘文武兼資
爾其出將而入相勉服厥命益隆乃勲可

表

擬范相免明堂陪位謝表

詔命待祠禮敢稽於俟駕恩從告病義良愧於執籩顧
螻蟻以何知致乾坤而介意

中謝

伏念臣早以樗散待

罪鈞衡晚緣駕病乞身圭華閒散既久懶慢相成端委
何能素甘心於一壑支離未死猶竊食於三鍾屬當宗
祀之期獲預辟公之召念采薪而不給奚薦壯以能勝
奏達九重方懼防風之戕詞頒一札豈意孟軻之容此
蓋伏遇皇帝陛下德厚寬仁道宏忠恕去苛解撓躋四

海於平康利物愛人憐一夫之疹疾且父兄之於子弟施既如此則股肱之於元首報當若何喘息餘生或未先於朝露馳驅晚節期少報於春暉

擬宰相賀明堂禮成表

孝達諸侯舉饗親之盛典歡均四表廣宥罪之深仁允為宗社之休宜効臣鄰之慶

中謝

臣聞魚麗備禮斯可

告於神明晃驚守成遂獲安於祖考重惟今日之艱棘不若當時之治平自非天實相之物其多矣攘夷狄以

去外侮之患任賢能以成中興之功亦當能崇黃帝之
合宮講周公之宗祀俾我將我享不專美於前王致來
燕來寧益紹隆於丕祚恭惟皇帝陛下常德立武深畧
緯文時敏厥修雖夙興夜寐而匪懈日新其德使吏稱
民安而不知永言維則之思莫重因嚴之教精意以享
爰修配帝之誠至神遂通果見得天之效臣等職當輔
弼德之肅雖駿奔以執豆籩有慚顯相作解而施雷雨
實賴熙成

代趙聖用鎮撫謝放罪表

按屬郡之姦違本期除害因故人之營救翻謂復讎獄
用折於片言罪方虞於萬坐拜恩知幸感涕無從

中謝

竊以事孰重於欺君刑莫加於謀上一之為甚猶當寘
於斧鉞之誅二者而兼豈能逃其洿瀦之罪是故在朝
廷有上下之分法禁告論也而涉乎此則得言在閭門
有父子之親法當容隱也而至於茲則聽告豈容誣偽
妄瀆宸聰姑欲淪胥冀逃已禍伏念臣千無一得尺乏

寸長肆法駕之東巡逮金人之南渡偶緣分鎮遂隸兩
州間道之官僅脫虎狼之口瀕湖抗賊屢流蛟鱷之涎
間關百罹參差九死馘舖肝之巨寇執問鼎之凶酋血
氣既衰精神已敝力小任重因嘗乞身而再三志大心
勞尚意立功之萬一是貪眷遇不即退歸屬承寬恤之
文用按貪殘之政竊希何武庶幾服罪而露章已愧范
滂能使望風而解印豈圖怙勢大肆興訛笞榜吏民劫
持上下造謗書之一篋投訟牒於九重譖愬既行凶邪

得騁適蘇章來二天之庇致曾參陷三至之辜雖雷霆
忽震則驚併付虎冠之治而日月容光必照終明崔角
之冤獲從縲紲之餘復齒縉紳之列茲蓋伏遇皇帝陛
下用心若鑑施仁如天與四海而為春重一夫之獨泣
隆寬得雨將槁頰蘇謂臣戚乃自貽方責以激薄律貪
理宜無赦察臣情為可憫建論其寧僭無濫忍及非辜
臣敢不仰佩至仁益堅晚節死而後已冀有得於桑榆
敏以行之庶不慚於犬馬

代秦德久峽州到任謝表

分符東蓼往嘗竊於一行紆紱西陵今復叨於再命望
實踰於愚分感彌激於懦衷榮幸已多愧慚並積

中謝

伏念臣鄧林樸遯冀野駕駘材無取於寸長力不勝於
十駕偶緣世賞濫厠官聯當茲綜覈名實之朝乃臣投
置閒散之日蓋以承流宣化方資師帥之良豈容竊祿
備員獲在子男之列此蓋伏遇皇帝陛下道大亦大德
明惟明不顯亦臨同周文之所以聖無為而治得虞舜

之急親賢遂令管蒯之微得備樵薪之末臣敢不欽承
德意撫育黎元肯徒耗於太倉冀酬造化儻未煩於司
敗誓竭麋捐

信陽到任謝表

為官擇吏尤高共理之良揣分量能實冒分符之寵已
諧入境遂視章程向以報君奉行德意臣中謝竊以申
為小郡地號極邊人物荒殘山川蕭索曩接中都之興
壤分隸京西今為並塞之孤城割歸湖北邑雖有二戶

不盈千顧絲薄以無堪誤膺委寄何設施之可效庶盡
拊綏伏念臣起自犁鋤進由庠序當政和之樂育隸業
賢關屬季孟之同升聯名仕籍周旋三紀齟齬百罹蓋
由疎拙失於周身加以愚直動至忤物攬說利害逆料
是非方得倖於南譙固嘗妄言而取降官之貶繼員丞
於東蓼又復因人而為對吏之行積其愆尤久合誅殛
尚賴聖恩之寬大未即棄捐敢期晚景之侵尋更叨拭
擢茲蓋伏遇皇帝陛下道大亦大德明惟明乃聖乃神

本帝堯之獨智克勤克儉兼夏禹之成能知人則能官
人救物故無棄物致茲樸樾獲備薪蒸臣敢不思致其
身冀行所學但使政平訟理何敢求名庶幾近悅遠來
自然樂業

代賈漕茂德賀表

天啓升平之運長發其祥時歌降永之年誕彌厥月華
夷增氣岳瀆効歡中賀竊以聖王修之國修之家修之
身以致海寓之寧大德得其名得其祿得其壽以慰生

靈之望審龜圖之罔極驗鳳歷之無窮恭惟皇帝陛下
道邁湯文仁齊堯舜省刑薄稅躋萬姓於春臺偃武修
文措八荒於壽域由中及外若臣與民對流虹繞電之
辰注拱極望雲之日臣濫將使指阻繫淮堧獸舞無從
徒想鈞天之奏葵傾有幸欣逢化日之長

代王亦顏江東轉運判官謝表

持節西淮罪止虞於瘴曠飛騶江左恩復冒於寵榮德
薄位高感深涕悞中謝伏念臣鹽車下駟社櫟散才曾無

十駕之可稱豈有寸長之足取誤蒙拭擢游被使令言
遠有光敢憚載馳而容度見知則說遽先四牡之來歸
自北而南去間就劇夫何易地濫及非才此蓋伏遇皇
帝陛下聖邁周文功躋夏禹照同日月見思齊之不顯
亦臨治格平成得虞書之無遠弗届常善救物因能任
官遂令棧樸之微獲備樵薪之末臣敢不永懷靡及專
意肅將致一道之澄清雖其所短布九重之德澤則或
庶幾

提舉湖北常平茶鹽到任謝表

分憂顧於邊城方虞汰斥遣諏詢於本路曷副使令命
朝出於巖廊光夕生於原隰退量繇力從激懦表竊臣
賦性不靈謀身更拙決科入仕垂及四十年行法涖官
僅書六七考皆由愚憊自取悔尤投閒置散分之宜久
矣山林之適承流宣化民之帥幸哉州縣之勞黽勉一
期拊摩千里效葭聞於共理寵忽拜於皇華矧國家斂
散之權與山海樵遷之利視饑穰而為出入賑濟吾民

排商賈而制低昂阜通邦貨欲膺是選必擇其人夫何
妄庸有此僥倖茲蓋伏遇皇帝陛下常德立武深畧緯
文功邁宣王攘戎狄而復境土治符世祖明政體而攬
權綱方並建於羣材以共圖於大業憐臣嘗廢放兩紀
而不改其操付臣以澄清一道而俾效其愚自憐草芥
之微乃辱乾坤之造戴恩若此圖報謂何臣敢不祇服
訓詞肅將使事周爰咨度寧辭六轡之馳驅功如見知
願奉三年之計最

湖南運判謝到任表

司倉湖北責僅免於曠瘼將漕湘南恩復叨於委寄任
非所稱懼弗克堪臣中謝伏念臣學術迂踈人材冗散

自獻書於明主因獲罪於權臣久安丘壑之間念絕軒
裳之望晚從拂拭洊被使令分符何補於邊城攬轡就
乘於使驛食君之祿敢言避事以偷安當官而行必欲
去姦而革弊常恐怨憎之積毀而遂致罪戾豈期禮樂
之加寵而遠有光華矧此湘江下臨鄂渚九州數十縣

悉隸按澄三軍百萬屯咸資餽餉非刺舉不回則何以
率吏治非幹施有術則何以贍邊儲選簡通才庶堪煩
使不圖僥倖猥及孱庸茲蓋伏遇皇帝陛下因能任官
循名責實內而公卿侍從之選儒必用真外而帥守監
司之除功須已試憐臣雖窮且老而益堅益壯知臣既
愚且直而守道守官特渙綸言俾更龍節臣敢不黽勉
從事夙夜在公歌載馳驅之篇俯究使臣之諏度去
不均不安之患仰遵聖訓之丁寧積毫髮之微勞答乾

坤之大施

擬沈必先尚書鎮江到任謝表

江湖遠去方安置散之宜綸綍下頒忽被分憂之寄恩
踰涯分愧濫心顏

中謝

伏念臣才不逮人性多忤物蓋

平日素疾姦佞故當職輒忘權豪所言患不知豈敢為
妻子之計若死誠有補是甘報君父之恩犬馬一心鷹
鷂累歲獨賴容光之照獲全屈軼之生俾從麋鹿之羣
乃其所志付以股肱之寄豈曰當然茲蓋伏遇皇帝陞

下湯德日新堯仁天覆任賢使能以濟中興之治選徒
差馬以成外攘之功念臣固嘗效忠於補闕拾遺謂臣
必能盡力於承流宣化一夫不獲庶臻鴻鴈之安四征
弗庭方起雲霓之望

代葉少蘊左丞謝建康府安撫并廬壽宣撫使
表

竄身藪澤方念咎於桑榆授鉞江淮忽拜恩於綸綍功
難補過愧不勝榮

中謝

竊以刺史之奉六條首除強暴

漢安之遣八使專選威名或持斧以戢奸或埋輪以懲
惡或褰帷而人為之震慄或攬轡而志在於澄清悉能
致盜賊詣營而乞降豈但使守令望風而解去眷茲新
命創自本朝望欲重於列城故非前世浩穰之地則不
置聲欲先於羣寇故非近時輔弼之臣則不除惟建業
之繁雄實臨流之都會面橫赤壁背負烏江州分淮海
之區星直斗牛之次肇三方之鼎峙更六代之龍興舟
車所通衣冠攸集在宣池寄股肱之郡於廬壽亦唇齒

之邦肆法駕之東廵建金人之南渡川原遍赤草木皆
腥今將舉郡邑而一新且復扶邦家於再造驅攘蜂蠆
撫養瘡痍興仆植僵折衝厭難授以一方之巨屏俾為
萬里之長城必能慰安民情庶幾稱職誠欲布宣德意
要在任賢伏念臣智不足以周身才未至于聞道衆人
欲殺事難辨於竊鈇累聖優容理或伸於伏劔常恐鑠金
之謗積成銷骨之寃豈圖眷知擢寘樞近當姦臣之跋
扈有乖明哲以自全洎元惡之殲夷遂至糾彈而共棄

尚幸覆盆之照偶逃擢髮之誅丘壑三年干戈九死僅
存餘息獲見中興十國為連敢希元帥一麾出守遂鎮
名藩此蓋伏遇皇帝陛下與物為春配天其澤赦過宥
罪盡從雷雨之施藏疾納汙大廓山川之度用人惟已
因能任官起臣於寂寞之濱處臣以繁劇之職責其後
效以蓋前愆臣敢不夙夜在公黽勉從事願同猛獸保
藜藿於深山不使明時致豺狼於當道

擬張德遠謝大資宮觀表

五年分閭功無尺寸之微一日還朝罪有丘山之重恩
實踰於始望榮莫蓋於前羞感涕無從捐軀曷報中謝
臣聞臣子有二不擇之戒在愛親與事君春秋有五不
黷之誅貴度德與量力有戾斯語不逃常刑伏念臣起
身布韋致位樞筦豈有虬蟉之援先為紹介特由乾坤
之造所自陶鎔頃緣驕敵之南侵上軫淵衷而西顧載
惟川陝截然參井之隅其在國家隱若股肱之勢宜為
外援共弭內陵知臣於梁益當念鄉枌謂臣在朝廷正

司兵柄爾其振軍聲於萬里之外無憚一行予亦措邦
本於九鼎之安有聞再造承命奮發擁麾載馳自忘力
小任重之虞孰恤意廣材疎之誚俄淹歲月靡効涓塵
臂雖怒於螳螂技已窮於鼯鼠積其誤國久合殺身敢
意眷憐尚從寬貸畀內祠之真祿陞祕殿之崇資俾養
駕病用安檣散此蓋伏遇皇帝陛下至仁天覆大德海
涵原其初心取一日用力之善以茲異數掩九載弗成
之愆正復自誅無以踰此枕流漱石儻未泯於明時誓

水指松廬有期於來效

擬張德遠落大資依舊宮觀表

恩隆寵極罪大謫輕雖錫秘殿之華尚假內祠之逸省

窮心痿拜命涕零

中謝

伏念臣頃以謬庸誤膺委寄徇

一時之急義當勇於捨生督萬里之征事莫難於料敵

顧在當日敢辭此行徒以智小謀大不能推賢遜能以

吝權至於日往月來遂成屈力殫貨而誤國死有餘責

生之在君此蓋伏遇皇帝陛下推成湯之寬仁體仲尼

之忠恕方務風雷其號令而與天下更始謂宜雨露其膏澤以致帝命惟新聊示小懲用彰至德震風忽及方知厦屋之休寸草何知願效春暉之報

擬賈明叔復顯謨閣待制表

盛德有容盡釋積年之譴微生何幸更叨三字之榮服寶訓乎裕陵躡華資於延閣拜恩涕隕省過魂驚

中謝

伏念臣智不足以周身心但知於愛國謂邦有司直不可持祿養交以同衆人而地當敢言自宜明目張膽以

報天子性既疾惡志務去邪故其論駁糾彈不復畏忌
顧望出於狂瞽既無獻可之謀責以愆違斯有黜幽之
典三危兩竄萬死一生交遊為下石之擠賓客競引繩
之逐屬彗星之告異獲湔除於姦黨之中建元圭之需
恩遂叙復於散官之列四十年之畎畝一萬里之朝廷
蕭條蟠木之容零落虬螭之援分甘丘壑望絕雲天何
期斷梗之殘年有此登瀛之異數粉榆改觀蒲柳增輝
此蓋伏遇皇帝陛下聖無常心天從人欲銳意社稷中

興之業數求祖宗近侍之臣方將與四海而為春豈復
忍一夫之失所念父有爭子猶或保於今名則國有忠
賢必能裨於至治忘其犯顏撻鱗之大罪錄其輸心露
情之小忠寵之綸綍之恩還以圖書之府臣敢不勉追
老馬冀問路於將來竊比翳桑誓扶輪於未死

代和州天中節賀表

五百歲而聖人出長發其祥十二年而歲星周誕彌厥
月適際流虹之旦用修拊髀之歡恭惟皇帝陛下睿知

有臨神武不殺允矣中興之主卓然上壽之資月之恒
而日之升克明其德雷不一而風不再耆定爾功治基
太平福熙純嘏天所助者僕景命於萬年人皆仰之得
歡心於四海某職廩守土目極望雲獻壽九重莫廁儀
韶之鳳翰誠千里徒傾向日之葵

擬辛侍御遷中丞謝表

備位雜端曾微報稱進官獨坐更冒寵榮豈容不諱之
朝久玷敢言之地莫聞一得少補四聰

中謝

伏以朝廷

之所賴以治者在官僚官僚之所由以肅者在綱紀唐
分三院漢置一臺中丞則專佐大夫以糾正百官御史
則更直朝堂以推彈雜事在龍朔嘗有司憲之號至文
明復更肅政之名苟非其人為不任職必得剛正如狄
仁傑以明王立本之罪褻謬若韋思謙以直張仁禕之
寃庶能抨劾姦邪掃清朋比使善人勸而淫人懼致強
者畏而忠者懷伏念臣心固暗於是非職莫分於賢否
平日素乏特立獨行之操當職又無揚清激濁之稱僅

同羝羊之觸藩籬敢比猛獸之保藜藿楊瑒之不屈於
恐脅實賴神明溫造之遂獲於甄陞敢期眷獎此蓋伏
遇皇帝陛下追法上古紹開中興欲來骨鯁之言共濟
艱難之業每寬風憲為霽天威聽無憚於撓鱗報亦思
於張膽臣敢不仕以行義進思盡忠知無不為當效鷹
鷂之奮直者先禍更全螻蟻之生

擬沈必先除吏部尚書謝表

方從散地起為千里之師敢冀誤恩復作六官之長省

躬有覲拜命靡遑

中謝

伏念臣受才凡庸稟性疎直夙

荷聖神之眷久汙清切之班昨長銓銜竊有晞於裴馬
迨糜歲月曾無補於絲毫旋遂劾歸獲逃罪戾方切前
羞之負豈膺舊物之還此蓋伏遇皇帝陛下躬上聖聰
明之資開中興熙洽之運虛心俊傑銳意事功嘉與芻蕘力
致萬邦之治欲令凋瘵獲比三代之隆致一介以不遺
豈寸長而可取臣敢不循名責實推賢達能勉遵毛玠
之公庶幾報政敢比山濤之職自作品題

擬翟異謝除內翰表

蔭松藉草方安琳館之間曳組鳴珂復拜玉堂之命遂
使桑榆之景再瞻日月之光榮幸天多愧慚山積

中謝

伏念臣賦才凡下稟性庸愚居懷隱甫之剛常守展禽
之介言惟古是動與時乖半世宦遊二十年之持橐一
時行輩六七人之秉鈞固知汰礫不容於在前敢謂積
薪或得而居上肆樗散之無用屬鴛病之有加抗疏歸
來恰值干戈之擾杖藜逃去重增丘壑之迂間關百罹

參差萬死幸危懼之少間喜廢壞之將興誓畢此生請
歌再造申君臣之善頌快江湖之鄙心野興何濃正欲
和風於南郭宸恩未替更令視草於北門此蓋伏遇皇
帝陛下並建英豪明揚側陋期大來於儒雅以同濟於
艱難謂王之言也如絲臣之和也若響欲得封敕痛在
朕躬之語當求陸贄號為內相之才念臣嘗在翰林初
本無過憐臣久居畎畝不遽遐遺特寵新除俾還舊物
臣敢不强勉學問以冀淹該發為訓辭庶臻深厚粉飾

一王之法追還三代之風蓮燭夜歸密奉不傳之旨金鑒畫掩徧觀未見之書內竭疎庸仰酬眷倚

擬趙元鎮參政辭新除第一表

臣聞任重大者不可使小力持謀險艱者慎無與淺識計或用失其當則上何以副仰成之望若處非其宜則下豈能逃曠廢之譏為責匪輕所繫不淺故君必度德以授之位而臣常量力以効其官豈容諛聞獲預大政中謝伏念臣智僅同於爝火才不越於斗筲自知甚明

位早踰於涯分人言可畏勢莫幸於寵榮况當外侮之
侵陵方務中興而克復盍求張仲以成吉甫之憲邦自
有姚崇安用懷慎之伴食此蓋伏遇皇帝陛下勵精圖
治至誠與賢謂臣徃在樞庭雖無尺寸功而不見其過
念臣來自藩屏固嘗二三任而遂憫其勞致茲誤恩出
於獨斷苟貪眷遇理必至於顛隳冀遂保全命特從於
追寢所有恩命未敢祇受

擬趙元鎮參政辭新除第二表

顧顥任隆乃俾蚊蚋之負穹窿聽過當聞蠅蚋之聲顧
帝意之云吁亦愚誠之未至苟幸從私於萬一安能避
瀆於再三中謝臣聞德進則朝廷尊而臣無素德賢用
則邦家立而臣實非賢徒以駕病久膺器使念主憂臣
辱艱難非避事之時致日徃月來愷德積罔功之罪謂
宜誅殛更冒寵榮雖聖眷之有加奈師言之不厭伏望皇
帝陛下重憐舊物特寢新除任賢使能允濟周室之美
投閒置散俾從韓愈之宜儻未泯於餘生冀有酬於異

曰

擬趙元鎮謝新除表

綸言下逮，俾贊洪鈞。鸞願上陳，莫回渙汗。且方以劾一官為過，分豈敢期。超八座以疏恩，固避無從。兢惶曷處，
中謝臣聞濟一時之務者，要須一時之勝。為千歲之計

者，斯有千歲之傳。況今日參知政事之名，乃前代左右丞轄之任。實同令僕，獲在倚毗。當得不撓不回。如魏元成、庶能矯拂趨競，盡求之才之烈。若劉思道，期以明振。

網維可使疎庸亦蒙識擢此蓋伏遇皇帝陛下鼎新庶政圖任舊人禮重築臺姑欲先於郭隗功成補袞冀遂得於樊侯不由紹介之一言必欲斷遷於三事智小謀大何裨日月之明責重命輕願殫犬馬之力

欽定四庫全書

相山集卷二十

宋 王之道 撰

劄子

王師所至秋毫不犯劄子

契勘今來用兵當預有以固結民心而所以固結民心者莫大於秋毫無所犯是以成湯之伐桀不過於歸市者不止耕者不變宣王之平淮夷不過於不留不處三事就緒漢高之勝項羽不過於財物無所取婦女無所

御此無他得天下有道得其民者所以得天下也得其民有道得其心者所以得民也夫斯民簞食壺漿以迎王師者豈樂於戰伐哉為其有以慰雲霓之望而脫水火之厄也若屠戮其父兄係累其子弟掠其金帛淫其婦女如之何其可也伏惟都督僕射相公上體九重所以眷倚之意下慰億萬生靈所以屬望之心無使市不易廛宗廟不震長安之人不識旂鼓專為李晟美實中外幸甚

又與汪中丞畫一利害劄子

畫一之道聞有兵無將與無兵同有將而非其人與無將同然則今日膺閫外之寄運掌上之奇者尤不可不選擇而使之也究自古用兵初不以衆寡為勝負但患乎將帥之非其人耳何則尋邑百萬而光武以三千敗之苻堅百萬而謝玄以八千敗之曹操以八十萬而敗於周瑜袁紹以四十萬而敗於曹操至於本朝太祖之定天下用兵亦不過十五萬東征西討無不如意其伐

蜀也止用精兵七千人耳愚謂今日之兵本自足用誠得人而將之亦何患乎不濟蓋吾之宿將比自講和以來初無尺寸之勞毫髮之功二十年間享其富貴尊榮甚者位師保太傅以至開府儀同三司其次類為太尉節度使如承宣觀察防禦團練使蓋不足道黃金白璧歌童舞女充牣私室朝游暮宴其奉養僭侈有非言之所能盡者孰肯擐甲胄冒鋒鏑奮不顧身以徇國家之急哉當金亮之死止得人如徃時之張韓其恢復中原亦

已久矣傳曰疆場不寧拔卒為將為今日計要當責諸
軍都統制統領官於行伍中推舉其才能武勇而為衆
所稱者或一二人或四五人明言所長如趙軍之許歷
齊軍之田單上其姓名於朝然後詰之以說道以觀其
謀試之以危事以觀其勇謀且勇矣然後任之以職付
之以事而較其能否優劣而拔用之俟其立到功效次
第加賞如其所舉不當其所舉官必罰無赦而軍中見
充統制領將佐或有老怯無用者令其自陳願休致者

從之如此則有材武而陸沉者得以表見於世而老怯者得以退休於時亦各遂其志矣昔蕭何薦韓信於高帝餘人未之知也惟何知之而帝信之方其擇日設壇諸將皆喜人人自以為得大將既拜乃信也一軍皆驚已而佐帝取三秦定天下者信之功為多由是以觀擇將真今日之急務不可忽也不可不慎也

一兵法曰千里饋糧士有饑色樵蘇後爨師不宿飽故趙充國云積穀三百萬斛於塞下則羌人不敢動然則

當今足食之策莫如營田而營田之策非將帥身以率之未見其可也昔郭子儀以河中軍食常乏乃自耕百畝將校以是為差於是士卒皆不勸而耕是歲河中野無曠土兵有餘糧也羊祜之鎮襄陽也與吳人開布大信降者欲去皆聽之減石城戍邏之卒以墾田八百頃其始至也軍無百日之糧及其季年乃有十年之積此將帥營田之明效也其次則莫如韓重華之為振武水隆轉運使出贓罪吏九百餘人脫其桎梏給耒耜與牛

使耕其傍便近地以償所負釋其粟之在吏者四十萬斛不追吏得去罪死假種糧齒平人有以自効莫不涕泣感奮相率盡力以奉其令而又為之犇走經營相原隰之宜指授耕法故連二歲大熟吏得盡償其所亡四十萬斛而私其贏餘得以休息軍不復饑

一今日之用兵患在於規模不素定而或進或退或攻或守皆取決於朝廷朝廷初無一定之策以授於將帥故將帥幸其朝廷之遙制有當進而不進者有當攻而

不攻者且如成閔除荆襄制置兼招討方自鄂渚移屯
德安而召援采石正當隆冬盛寒千里犇命士卒數萬
人疲於道路死者不可勝數其於赴援初不聞其有折
衝却敵之功兵法曰百里而趨利者蹶上將五十里而
趨利者軍半至而況於千里乎此規模不先定之過也
一今日之用兵患在於賞不當罰不行何謂賞不當蓋
以無功而肆為誕謾謂如偶獲一人則圖其戰鬥之狀
張其掩殺之衆走旗入報以為大獲勝捷而其賞有至

於轉十數官者何謂罰不行如王權以都統擁數萬之衆遇敵不戰而走非獨大喪其師且使兩淮之民悉為魚肉既不能正其典刑籍其家產迨至臺諫論列僅能除名遠竄而已兵法以賞罰素明為足以知勝負然則軍聲之不振亦理所當然也復何恠哉

一自金人入寇我師進討士卒以將帥望風退避一時犇潰初未嘗交鋒而自相蹂踐死亡銷折者十之五六曾不聞逐軍申其死亡之數謂如前軍原一萬人今死

亡過半而所請舊額不減一萬之數後軍原八千人今
死亡過半而所請舊額不減八千之數是也若以所請
虛數依舊給與死亡之家則猶可以養其父母妻子以
慰旁觀士卒之心亦庶幾焉儻或統轄等人取之以為
已有則其為公私之蠹可勝計哉傳曰山林不能給野
火江海不能實漏卮今日之患正在於此不可不深究
其弊而痛革之也

一道路之言以為用兵以來人馬死傷過半而諸將方

且申乞招軍買馬朝廷不問其財用之無所自出悉從其請盡下諸道總領所應副而總領之所有皆自朝廷支降非於支降之外別有生財之道也陸贄有言益兵以生事加賦以殄人無紓目前之虞或興意外之患在今日不可不以是為慮也

一晉武帝時鮮卑木機能為邊患攻陷涼州帝臨朝嘆曰誰為我討此者馬隆進曰陛下能任臣臣請任之臣願募勇士三千人無問所從來帥之以西寇不足平也

帝許之隆募能引弓四鈞挽弩九石者取之立標簡試
自旦至日中得三千五百人隆曰足矣請自武庫選仕
帝命惟隆所取仍給三年軍資而遣之隆西渡溫水木
機能等以衆數萬據險拒之隆以山路狹隘乃作偏箱
車為木屋於車上轉戰而前行千餘里殺傷甚衆隆至
武威鮮卑大人猝跋韓且萬能等帥萬餘落來降隆與
木機能大戰斬之涼州遂平今日之招軍每効用一名
日支食錢三百米三斗而又不刺面不涅手夫人得而

充焉可謂優且厚矣使為將帥者誠能體國一一如馬
隆之用心而所招効用又盡得如馬隆所募之人則一
夫可當十夫之用不然十夫不足以當一夫是徒為虛
名以蠹其民爾雖得百萬亦何用哉

一唐陸贄之言曰人者邦之本財者人之心其心傷則
本傷其本傷則枝幹顛瘁而根柢蹙矣議者咸謂今日
之計莫急於理財以愚觀之理財在今日為無術但當
行其革弊之政則財用斯足矣夫奉祠給祿朝廷所以

示優賢之意也今不問官之高卑類以家貧仰祿婚嫁未畢為言陳乞宮觀動至三五任坐糜帑廩下至初出官人欲得家居累考無吏績請官俸往往乞監廟十之七八其僥倖亦云甚矣當此國家多難為士大夫者正宜君爾忘身國爾忘家豈容背公營私自為溫飽之計哉今欲將宮祠獄廟請給並行住罷其以故巧閒者皆與其名而奪其實候事定日徐議復舊可乎古之仕者必有圭田蓋養廉之意也今或彼有而此無甲厚而乙

薄夫貪婪無厭之人正使有且厚猶恐未必能廉則其無且薄者又何以責其廉哉今欲例取職租之入以濟軍需候事定日徐議均一可乎今之仕宦文臣承務以上武臣下班祇應以上閒居待闕皆有月俸且文臣自選人以至改官自改官以至顯官能以廉儉自將綿歷既久生計粗足不猶愈於韋布之時哉而又加之俸贍莫甚焉今欲將文武閒居待闕月俸不問高卑例行住罷候事定日徐議給否可乎諸軍揀放使臣將校以其

陳乞或老或病不足以被堅執銳而無用於軍也故揀而放之使得自便遂其閒逸以終天年正如士大夫之引年致仕不聞致仕之後復有俸給而終其老死也今朝廷以此輩嘗有從軍之勞則當考其戰多之功而等第之使臣上者不過再任其次一任而止將校上者不過三年其次二年而止亦已過厚矣今乃不問其等第而一槩分送州軍給祿養老至於死而後已其與當時陳乞老病減放之意豈不相悖戾乎耗蠹財用未有如

此之甚者今欲將校除一任或再任三年或二年外並
行住罷可乎此四者實當今之大弊如能住罷乞行下
逐路漕臣籍所管州縣所罷錢穀令逐項椿管不得妄
有支動專責餽餉以佐軍需其所得之多豈不過於豪
民獻助坊渡預借之數乎茲蓋有利於國無傷於民但
患其不能斷以行之耳

申三省樞密利害劄子

一湖北荆西兩路所屯重兵分隸四將而不置主帥雖

廟算固有定議令其互相策應然至於緩急之際不知
先登陷陣者果誰也正使有先登陷陣之人又恐旁觀
策應者畏忌顧望莫肯奮不顧身以徇國家之急如賀
蘭進明之不救張巡許遠將何法以加之正使事定誅
不救之罪若張鎬之杖殺閻丘曉亦何能救其失哉昔
九節度使之師以郭子儀李光弼皆一時元功難相臨攝
遂不置帥師次鄴南未及戰而潰茲不可不鑒也

一自古邊防未嘗不戍重兵以備敵人今國家既都江

湖必藉淮漢以為屏蔽自合成重兵於沿邊控扼去處
今諸大將並屯江南去邊動五七百里沿邊州郡所戍
多者不過三二百人少者才百有餘人萬一敵人夤夜
以鐵騎兼程入寇則數百里之地不過朝發夕至所謂
沿邊戍兵何能為哉使沿邊戍兵無所能為則所謂大
將者遠在數百里外亦將驚惶失措豈不大可慮哉兵
法曰先處戰地而待敵者佚後處戰地而趨敵者勞又
曰百里而爭利則擒上將軍勁者先疲者後其法十一

而至五十里而爭利則屢上將軍其法半至三十里而爭利則三分之二至倍日併行此孫臏所以敗龐涓也今由都統下所遣戍兵或在德安或在應城且如信陽係沿邊隘口止有兵一百五十人而除擺鋪差出外在寨者止七八十人設若有驚求援於德安往來計六百里求援於應城往來計七百餘里不知統兵者亦嘗思及此乎俗諺謂遠水不救近火此言雖小可以喻大今欲便乞戍兵則恐有不通水運去處或山路險阻艱於

饋餉愚願應沿邊州郡各乞分成步兵三二千人馬三五百匹可乎如從所請只乞命諸軍推擇有才畧善撫御士卒者令其統帥前來庶幾緩急可以倚仗茲正疆場不寧拔卒為將之時不可忽也

一訪聞淮北州郡往往多有糧草師行恐非所憂兵法

曰食敵一鍾當吾二十鍾注曰忘注曰稗一石當吾二十石注曰忘注曰豆

稽也稗禾葉也又曰取用於國因糧於敵故軍食可足也注曰兵甲

戰具取用於國中糧食則因敵也且說彼民朝夕延頸跂踵以望王師

之來至有一戶而磨麥七十石養猪數十口造酒三二十甕以備壺漿之迎者又有朝夕沿淮探伺及請旗榜者以恨王師之來不早彼民云但得天兵三二萬人則自淮以北便有數十萬衆為之鄉道矣八月初五六間蔡州上蔡縣百姓數十人傳聞我師分屯德安遂欣躍鼓舞棄其資產攜其老幼與牛馬而南行數十里而唐州桐柏縣巡尉利其財畜會合弓兵追逐凡十數戰弓兵死傷過半而老幼累日不得食疲困就擒亦有竄至

本軍界者以此觀之可以相見彼民後后之意但使我師所至秋毫不犯當見彼民爭為前驅其恢復疆宇蓋反手也

乞擇縣令以三事實罰劄子

契勘百里一令實生民休戚利害所繫而累年以來聖君賢相重憐凋瘵頃罹干戈塗炭之苦日夜講求思所以選擇縣令以當百里之寄而終未聞有以循良見稱於時者其失有三焉一曰循法而其所差不問人之能

否二曰能否無別而人無所勸沮三曰勸沮不行而貪
暴者不知所警庸懦者不知所勉昔鄭子皮欲使尹何
為邑子產曰學而後入政未聞以政學今欲行李唐書
判拔萃之科應初改官人合入知縣者並試其中者則
進之使作邑其不中者則扼之使監當而其最優者上
則陞擢差遣次則進秩又其次則減年以別能否可乎
卓茂為密令政號忠厚光武一旦擢為太傅封侯史臣
稱其克復舊物享祚長久蓋由知所先務而得其本原

所致今欲責逐路監司覈其循良歲舉一人上治狀於
朝廷參較優劣擇其尤異者取旨內則用而為郎官外
則用而為監司郡守以是勸沮可乎漢孝宣信賞必罰
總覈名實而當時美其吏稱其職民安其業今欲責郡
守監司應屬縣令凡貪暴害民庸懦任吏者按劾無貸
否則不以去官事發並連坐使其貪暴知所警庸懦知
所勉可乎是三失若去而縣令之不得人者未之有也

論和糴利害劄子

之道竊聞古者三年耕必有一年之食九年耕必有三年之食以三十年之通雖有旱乾水溢民無菜色是故國無九年之蓄則曰不足無六年之蓄則曰急無三年之蓄則曰國非其國恭惟國家乍更兵火比自平定以來殆二十年號稱中興而官兵之冗所費不貲逐歲調度嘗苦其不給若以三年之蓄較之豈不大可慮哉之道於紹興二十九年夏調官日固嘗具劄子請於時相乞賣僧道度牒五千道每道價錢一千貫可得錢五百

萬貫其錢盡以糴糴於沿江州軍貯積以備緩急軍需當時雖不蒙施行今朝廷已降指揮出賣度牒二千道每道錢五百貫共計錢一百萬貫其錢令諸路附綱起發解赴行在交納內三總領所錢另項樁管如此竊恐所得百萬遲之數月復成烏有愚願閣下明言今日國用匱乏乞以此錢專用糴糴尋常不得妄有支動緩急以供饋餉不亦可乎所有和糴利便令具畫一下項一今來如糴糴乞於所糴州縣設場每場置斗十面差

監官二員一員掌交量一員掌支錢其糧米入倉聽令
百姓自量並不須用斗給蓋百姓至愚而神聖人所謂
上好信則民莫敢不用情今若聽從自量決無以九升
半作一斗之理而所支錢又無邀阻想見歡呼鼓舞而
樂中於官也且百姓尋常入市糶賣其鋪戶於糶糶名
下每斗各收牙錢一二十文今聞官中收糶乃無種種
之費民情之喜不問可知也

一和糶場合差專支官一名手分二名斗給庫子各一

名專支官兼掌出納手分一名斗給一名司納以給憑
由手分一名庫子一名司出以給價值其百姓既交量
所糶米入倉訖交糧官即時令當行人出給憑由即時
令當行人支錢不得少有阻節如違令州郡或監司覺
察將官吏量行責罰

一和糶場所差監官二員交量官居其東支錢官居其
西其監官日支食錢五百文專支官并手分斗給庫子
日各支食錢三百文其監官手分斗給庫子食錢候糶

糧足日罷支如此庶幾可以責其養廉若有乞取聽人告即時決罰

一和糴有二利蓋民間艱於得錢若官中於米賤時收糴則民樂於得錢而官獲其利然今之和糴遂成彊糴民之被害不可勝言無他且如轉運司行下一郡令糴一萬石不惟本司要取額外升合而所糴州縣亦然至於專斗每斗又取使用錢一二十文方始交量不爾則一斗只可量七八升若百姓稍有語言其監官必繩以

法解赴州郡或監司究治緣是更無所控告

一今來和糴謂如州郡市價每斗一百文足即量增十數錢明量一升作耗百姓見官中更無阻節而價值比市井稍有所增自然不勞而辦

一和糴之弊不患乎吏之為姦而常患乎監官之不得其人
不患乎監官之不得其人而常患乎監司守倖知縣之不得其人使監司守倖知縣誠得其人則監官有所畏憚而不敢犯過
監官有所畏憚不敢犯過則吏之所畏憚而不敢犯過

得肆其奸欺者亦鮮以類推之今日天下事往往如是
豈特和糴而已哉且監司一路之風憲也所至要當使
奸賊退聽善良受賜乃為稱職今則不然凡置司所在
主者或不得人則本司官吏往往開其作弊之端而州
縣官吏乘之公肆橫取其為害比他郡尤甚有不可勝
言者此又不可不念也

